

**Uunga siunnersuut: Piginneqatigiilluni inissiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq (§ 88, imm. 3-p atorunnaarsinneqarnera**  
(Ineqarnermut Attaveqatagiinnermullu Naalakkersuisoq)

### **Saqqummiussineq**

(Ineqarnermut Attaveqatagiinnermullu Naalakkersuisoq)

### **Siullermeerneqarnera**

Naalakkersuisut sinnerlugit matumuuna piginneqatigiilluni inissiat pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut saqqummiuppara.

Piginneqatigiilluni inissiat pillugit Inatsisartut inatsisaanni nr. 33-mi, 23. november 2017-imeersumi § 88, imm. 3-mi allassimavoq: ”Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq, Inatsisartut inatsisaat manna naapertorlugu aalajangersaanikkut allanngortinneqarnissami atorunnaarsinneqarnissamilu tungaanut atuutiinnassaaq”.

15. oktober 2008-mi Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 25, 9. oktober 2008-meersoq atuutilerpoq, tamatumalu peqatigisaanik Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq atorunnaarsinneqarpoq.

Siunnersuummi tassani kukkunerup iluarsineqarnissaa siunertarineqarpoq, taamaalillunilu piginneqatigiilluni inissiat pillugit Inatsisartut inatsisaanni nr. 33-mi, 23. november 2017-imeersumi § 88, imm. 3-mi nalunaarut atorunnaartoq allassimajunnaarpoq.

Taamatut oqaaseqarlunga Naalakkersuisut sinnerlugit immikkoortoq Inatsisartuni suliassanngorlugu tunniuppara.